



КОМСОМОЛОНЪ ВАЙГЯЛЪ

ВЛКСМ-нъ МОРДОВСКИЙ ОБКОМЪ И САРАНСКИЙНЪ ГОРКОМЪ ГАЗЕТАСНА

ИЮНТЬ

21-це шистонза

1941 кизоня

69(1865)

Питнец 10 тр.

Цебярста васьфтемс од тонафнема кизотъ

Аделавсь 1940—41-це тонафнема кизотъ. Тяниень пингтъ народнай образованиень оргатненъ, школанъ директорхненъ и комсомольский организационенъ инголе ащи ответственный задача—образовайста анокламс од тонафнема кизоти. Эряви анокламс стане, штоба сай тонафнема кизотъ вассенце шинзон пингстакиге обеспечидамс школатненъ эса нормальнайста учебно-воспитательнай работатъ мольтфеманц. А тя веши сянъ, штоба эрь школанъ директоръ няфтель кеме забота мелочень песс анокламатъ колга.

Мордовский республика кой-кона школанъ директорхне и заведующайхне кярмодсть ни 1941—42 тонафнема кизотъ васьфтеманцты аноклама. Саранск ошса 3-це № (директоръ Дробков ялгась), 13-це № (директоръ Молина ялгась) школатне кярмодсть ни школьной помещениатъ петеманцты, аноклави-цебяръ оборудованиа. Тяниень пингтъ Саранскийнъ горонъ лама школанъ директор и заведующай максихть заявкат учебно-нагляднай пособианъ приобретенияди. Ня директорхне пик заботендайхть сянъ колга, штоба сай тонафнема кизоня цебярста мольтфемс учебнай процессть. Рыбинский районца Резеповский начальнай школати (заведующай Кадрова ялгась) аноклафт сай кизонди сембе пенгятне, улихть учебно-нагляднай пособиат (картат и таблицат).

Оцю васта занци од тонафнема кизоти анокламаса школатненъ квалифицированнай работникса обеспечидамасна. РОНО-нъ заведующайхненди эряви шархкодемс, што школат работатъ ули эста успешнай, мзярда сонь кармайтхъ улема соответствующай образованиа мархта кадранза. Эряви тиеме урок етафтф тонафнема кизотъ эзда и сят аф сатыксенъ, конат мушендсть эсьтеест васта, машфтомс. Тяфтама положениас ульсь Zubovo-Полянский районъ Од Выселка велень средный школаса. Тяс ашельхть преподавательхть тяфтама дисциплинатненъ, кода математикатъ и физикатъ коряс. Тянь сюнеда школаса кой-кона дисциплинатненъ коряс ульсь ёмла успеваемость.

Аш кода азоме сянъ, што школатненди аноклакшневи сатомшка пенгя. Мельцанский, Пурдошанский, Атюревский, Ельниковский районъ шко-

латне ётай кизотъ пик нуждандасть пенгаса. И аф ваномок тянь ланге, тядненъ кизотке пенгянъ анокламатъ коряс работасъ моли пик валом.

Оцю нужда кирдсть и кирдихть лама школат учебно-нагляднай пособиаса, учебникса и письменнай принадлежностьса. Штоба сай кизотке тяфтама положениас афоль уле, эряви тяникиге тиеме заказ учебно-нагляднай пособианди. Улихть пцтай сембе возможностьне использовандам сире учебникхненъ. Но лама РОНО-нъ заведующай тя пик важнай мероприятият оцю значенианц лувондасъ второстепеннай теовонди. Тянь мархта аныек и азондови ся, што кой-кона районца сире учебниконъ рамаманъ планцъ пшкотьшнени аф кирдемшка лафчета.

Тя работаса эряви ламода лездомс КОПИЗ-нъ работникхненди, конат тя тевтъ мархта занимайхть.

Тядненъ тонафнема кизоня пик ёмла успеваемость рузонъ кяльса мокшень школатненъ эзга. Тя тевтъ цебяргофтоманцты эряви примамс мерат. Мокшень школатненъ эса учащайхненъ грамотностьсон кепо демасна веши цебяръ учительский кадрат.

Машфтомок азф аф сатыксенъ, тиёмок цебяръ условит тонафнема, можна сай тонафнема кизотъ ламода цебяргофтомс школатненъ эзга учебнай работатъ, педагогический процессть молеманц.

Оцю лезкс могут максомс школатненди колхознай комсомольский организациатне. Синь обязатт лездомс школатненди ремонтонъ тиёмаса. Синдейст эрявихть мобилизовандам трудящайнъ массатненъ школатненди субботниконъ етафтомаса. Фкя валса азомс—синге призванайхть сянди, штоба минъ школанъке касфнелхть родинати патриотт. Сембонди содаф черепановецненъ замечательнай движениясна школатненъ заботаса кружаматъ коряс. И комсомолецненди эряви улемс застрельщикокс, инициаторкс государственнай значенианъ тя движенияйтъ массовайкс тиёмасонза.

Сембось тя тиеме можна. Аньлек эряви оцю вийса кярмодемс тевти. И аш кодамовок сомнения, што школатне тонафнема кизоти анокласазъ семботь, мезь эряви советский павазу идть воспитаниянцты и тейнза образованианъ максомати.

73 участник

15-це июньта Малавонъ средный школанъ комсомольский организациас ульсь етафтф ласькоманъ коряс кросс.

Кросса примастъ участия 72 ученик и ученица. Синь эздост 40 максозъ норматненъ ГТО-нъ значокс и 32—БГТО-нъ значокс.

Цебяръ результатт ласькома-

са няфтсть М. Якунин, В. Булавкин и В. Алешин ялгатне. Синь 1.000 метратъ ласькозъ 3 минутаста 10 секундас-та.

Активный участия кросса примастъ комсомолецне (секретарь А. Болабенков ялгась). И. Матвеев.

Рыбинский район.

ПРОФСОЮЗНО-КОМСОМОЛЬСКИЙ КРОССЪ МОРДОВИЯСА



СНИМКАСА: С. Шайговский райцентранъ комсомолецне И. Гришин, К. Абдулин и А. Давыдов кросса 3.000 метрас ласькомаса няфтсть инъ цебяръ результатт.

Фотось В. Ивенинтъ.

1300 участник

Инсара. (Телефон вельде). Июнь 19-цешинц самс районга профсоюзно-комсомольский кросса примастъ участия 1300 ломанъ, конатненъ эзда 1248 ломанцъ максозъ ГТО-нъ и БГТО-нъ норматненъ.

Снал-Пятинаса 150 колхозникъ эзда, конат участвовдасть кросса, норматненъ максозъ 144 ломанъ, а Янга-Майданца 57 ломанъ эзда 50 ломанцъ.

Панькин.

Кроссъ етафневи организованнайста

Рыбкина. (Телефон вельде). Районца июнь 19-це шистонза кроссъ эса примастъ участия 1200 комсомолец и аф союзнай ломанъ.

Кроссонъ участникхненъ эзда лувондови лама призывник, конатненъ ёткста ГТО-нъ норматненъ ласькоматъ коряс максозъ 125 ломанъ, 60 эздост комсомолец.

Рахмановский «Коммунар» колхозса кроссъ ётазв 189 ломанъ, конатненъ эзда ламосъ колхозникт и 45 комсомолец.

Офтин,

ВЛКСМ-нъ райкомтъ секретарец.

Норматненъ максозъ 1037 ломанъ

3-Поляна. (Телефон вельде). Июнь 19-це шинцты кросса примастъ участия 1109 комсомолец и аф союзнай ломанъ, конатненъ эзда 1037 ломанцъ максозъ ГТО-нъ норматненъ, 453 эздост комсомолец. II-це ступенень ГТО-нъ норматненъ максозъ 32, 1-це ступенень ГТО-нъ норматненъ 754 ломанъ и БГТО-нъ—283 ломанъ.

Пик организованнайста етафтозъ кроссъ Тепло-Станский ФЗО школанъ коллективс, ко-са 120 ломанъ эзда норматненъ максозъ сембе участникне. Аф калдыаста организова-вандафоль пересеченнай вастова ласькомаса Анаевский средный школаса, коса примастъ участия 275 ломанъ, «Победа» промартельса—16 ломанъ, Куйбышевть лемса колхозса—45 ломанъ.

Кондратьев,

ВЛКСМ-нъ райкомтъ секретарец.

Ласьксь 648 ломанъ

Рузаевка ош. (Телефон вельде). Июнь кось 19-це шинцты профсоюзно-комсомольский кросса участвовдасть 26 комсомольский организация, конатненъ эса 648 комсомолец и аф союзнай ломанъ.

Активнайста етафтозе кроссъ железнодорожной училищасъ. Училищанъ 184 ученикхненъ эзда, конат ласьксь кросса, 177 ломанъ эздост максозъ ГТО-нъ значокти норматненъ.

Июнь ковтъ 18-це шинцты ошень организациатненъ эзга норматненъ максозъ 607 ломанъ, конатненъ эзда II-це ступенень ГТО-ти 128 ломанъ, 1-це ступенень ГТО-ти 369 ломанъ и БГТО-ти 110 ломанъ.

Соколов,

ВЛКСМ-нъ горкомтъ секретарец.



Саранскийнъ «Спартак» общество членонзон ёткса А. Захаровс гранатанъ метанияса няфтсь инъ цебяръ результатт, ёрдазе гранататъ 52 метрас.

СНИМКАСА: А. Захаровс ёрдай граната.

Фотось П. Ивановъ.

ОЦЮ АКТИВНОСТЬ

Июнь 20-це шинцты Чамзинский районца кросса примастъ участия 2.018 ломанъ. Кроссъ примоси инъ сяда кели и кели характер.

Тянь колга корхтай ся фактс, што сембе участникхненъ эзда ГТО-нъ и БГТО-нъ значокхненди норматненъ максозъ 1.927 участник, инъ цебяръ результатт няфтсь Соколов Гарт велень первичнай комсомольский организациас (секретарь Демидова ялгась). Тя организациаста кросса участвовдасъ сембоц 20 ломанъ, конатненъ эзда 9 комсомолец и 11 аф союзнай ломанъ.

Инь куроконь пингста ласькозъ максозъ дистанцият Ефимов ялгась (2 минутаста), Трошин ялгась (3 минутаста 5 секундас-та).

Стирятненъ эзда инъ нюрхкяня пингста 500 метратъ ласькозья Кузмичевасъ (1 минутаста 15 секундас-та).

Вассенце вастъ занцесы Чамзинский средный школасъ (секретарь Глобин ялгась). Тя организациаста 500 ученик участвовдасъ профсоюзно-комсомольский кросса. Дудорова.

РЕСПУБЛИКАТЪ ЭЗГА

А. М. ГОРЬКИЙТЪ ПАМЯТЕНЦТЫ


Июнь 19-це шистонза ВКП(б)-нъ Саранскийнъ горкомтъ залсонза ульсь тиф лекция великай пролетарский писательт Алексей Максимович Горькийт эряфонц и деятельностьнц колга. Лекцият тиезе Кириллов ялгась. Лекцияса ульсь лама од ломанъ.

ЦЕБЯРЪ ВАЙМАМА

Тядненъ кизонъ каникуласон учительхне етафтсазъ цебярста ваймазъ. Средный и начальнай школанъ учительхненди максови 180 путевка центральной значенианъ санаториас и курортс. 32 учитель крмай ваймама местнай значенианъ санаториаса, 775 учитель ваймай ваймама кудса.

163 учитель

Тядненъ кизоня Мордовский пединститутс нолдай школатненди квалифицированнай кадрат. Средный школатненди разнай дисциплинас коре нолдави 79 преподаватель, аф полной средный школатненди—84.



Весяласта и радостнайста йотафнесазъ Саранск ошень итне свободнай пинксон идень паркса.

СНИМКАСА: Идень паркса скульптурасъ.

Фотось Ивенинтъ.

Ушедс лагернай сезонцъ

Школьникне, аделамок тонафнема кизотъ, кармайтхъ ваймосема пионерский лагерхненъ эса. Искя, Саранск ошса, ушедс лагерный сезонцъ. 600 идъ кармай ваймама массовой лагерса, 500—походно-полевойса.

Сембоц Мордовияса походнай лагерса ваймай 7.000 идъ. 4.800 школьник етафтсазъ пингснот мас-совой лагерса.

ВАЙМАМА ШИСТА

12 частса кармайтхъ налхкома футболса «Спартак»—идень парконъ, 14 частса—«Динамо»—«Буревестник» юношеский командатне.

16 частста 30 минутаста кармайтхъ налхкома футболса «Спартак»—«Динамо», Елистратов капитантъ и «Учитель» обществатненъ взрослой командасна.

КРОССТЬ ЙОТАФТОМАЦ КОВЫЛКИНАСА

Организованнаиета ётнихть профсоюзно-комсомольский кроссонь васенце шитне. Тя важнай спортивной мероприятият районнь комсомолецне и од ломатне васьфтезь оцю мялса. Июньт 15-це шистонза 11 частета ушедсь кроссь. Стартса комсомолецт, средний школань старшай классонь учащайхть, профсоюзонь члёт.

1000 метрань дистанцият ласькомаса инь цебарь результатт няфтсь Трайдук и Морозов комсомолецне, конат ётазь максф дистанцият 2 минутань 14 секундань пингста.

Стирянтень эзда 500 метрас ласькомаса цебарь показателхть няфтсь Артоболевская и Мельникова комсомолкатне.

Лама од ломань кармасть макссема кизонь норматнень ГГО-нь значокс. Тяфта мольсь нормань примамась гранатань ёрдамаса, кувалмос комотемаса. Ваймама шиста кросса примась участия райцентрань 108 комсомолец и аф союзнай од ломань.

Тяни эрь шиня паркета можнат няемс од ломатт, конат нинге сядонга пяк ёрайхть кемокстамс физкультураса и спорта занимадась эсь шумбрашисон.

Июньт 17-це шинцты самс профсоюзно-комсомольский кросса участвовдась райцентрань 230 комсомолец и од ломань.

А. Абакумова.

ОРГАНИЗАЦИЯСЬ ЮКСТАВСЬ

Пяк калдывста работай Сире-Обуховкань комсомольский организациясь. Тяса аф мольфтеви кодамоков работа. Собраният аф ётафневихть. Комсомолецне ламосна эсь идейно-политический содамашисон аф касфнесазь, аф примосихть участия колхознай работатнень эса. Сембонди танди причинаке аши ся, што комсомольский организацият мархта аш кинди вятмс руководства, аш секретарь. Няне аш кинди паннемс членский взношен. Да и сембе комсомольский хозяйствась аши беспорядкаса.

Сембонь тянь колга ульсь корхтаф ВЛКСМ-нь райкому, но мес бди пачфтьф аф сатыксенень машфтомасон инкса кодамоков мерат тячимс аф примоси.

Волков.

Сире-Шайговань район.

ФЗО-нь школав призывсь

Оцю мялса колхознай од ломатне молихть ФЗО-нь школатнеди.

«Улемс квалифицированной рабочейке промышленностьса—тя пяк почетнай тев»,—азозь эсь мялсмон Порапа велень «Карл Маркс» колхозонь призывникне М. Ломакинц, И. Палаевсь и лиятне. Синь работасть колхоза и няфнесть пример ляды колхозникнединге. Тяни учихть мзярда сай прважамань шись.

Куколев.

Ковылкинский район.



СНИМКАСА: Профсоюзно-комсомольский кроссь Саранскийса.

Фотось Ивенинтъ

Комсомолецнень сатфкссна

Лама комсомольский организация и комсомолец по-большевицки тюрхить 7—8 миллиартт пуд сёронь получамаса сталинский лозунгть эряфс ётафтоманц инкса.

Тяфтама ломаньда лама, конат пяк оцю вииса кармасть занимаданьда тя почетнай тевть мархта. Вов трактористкась Автайкина Акулинась, работамок «Коммунар» колхозса «Универсал-2» трактора, эрь шиня норманц пашкотыкшнесы 180 процентс. Сонь примеронц коряс касфтозь эсь трудонь производительностьсон лия трактористтневок, кода Ф. В. Сенинц, П. С. Башмаковсь, М. И. Кудашкинц. Трудть оцю производительностени вельде «Коммунар» колхозсь нинге майть 23-це шистонза аделазень зернобобовой культурань видеманзон.

Тяни колхозсь сокай париназон эса. Тясонга Автайкинась няфни работань образент, норманц пашкотыкшнесы 120—160 процентс.

Цебарь показателхть няфни «17 лет Октября» колхозса Кавторева Нюрась. Сон кафта корпус мархта плугса сокамста норманц пашкотыкшнесы 130—156 процентс и тядде тись ни 135 трудони.

Паксянь работатнень эса оцю производственной подъемса работайхть Шмидть лемса и «Старый большевик» колхозонь комсомольский организациятне. «Старый большевик» колхозонь комсомолецне Д. Ф. Невкия и М. Е. Бокейки выработкасон пачфнесазь 140 процентс. Тяфтама показателхть сатсь «Светлый путь» колхозонь комсомолецне В. Звездин и С. Шичавин.

Оцю агитмассовой работа паксянь работатнень эса ётафнихть агитбригадатне. Райклубонь агитбригадаты эзда Р. И. Козлова и Вера Гудкова ялгатне районца колхознай паксятнень эса тиендсть художественнай выступленийт.

«Светлый путь» колхозонь комсомолецне С. Лещевсь, И.

Клоковсь и М. Якунинц ётафнихть колхозникнень ёткас бедсат, лувондыхть газетат, нолйхть регулярна общеколхознай и бригаднай стенгазетат.

Но аф тяфта аши тевсь лия колхознень эса, мезень сюнеда марнек районца видемань планц пашкотыф 77,3 процентс. Калдывста работайхть паксянь работаса «Буденовец», «Советский путь», «Красный пахарь», «Передовик» колхозонь комсомольский организациятне. Синь колхозникнень ёткас аф ётафнихть кодамоков агитмассовой работа, ёфси пнтай ашезь азонкшне XVIII-це партконференцият решениязон и колхозникнень трудсон инкса СССР-нь СНК-ть и ВКП(б)-нь ЦК-ть дополнительнай пандомать колга постановлениясон, сянка синь виде-маса занчихть инь мекольдён васттнень.

Иван Матвеев.

Сире-Синдровань район.

ШКОЛЬНИКНЕНЬ ВАЙМАМАСНА

Саранск ошень 11-це № школань педагогический коллективсь эсь совещаниясонза решил организованнаиета иттенди каникулатнень пингста культурнай и разумнай ваймама.

Школать опытной участкац аш, сяс и натуралистический работась ётафневи идень паркса. Идень парксь лездсь школати обработаньда участкаты, коза юнай натуралистне учительт руководстванц ала видесть зерновой и бобовой культурат.

Синь оцю интереса ванондыхть растениятнень касомасон мельге. Вейхкса частса шобдава итне сашендыхть парку организованнаиета, ванондыхть эсь видеф культурансон касомасон мельге и наблюдают, конатнеди эряви тиёмс подкормка тя или тона пингста. Тяфтама полезнай работада меле тушендыхть итне ваймама. Тянди сембе условиятне улихть. Паркса улихть атракциотт, шашкат, шахматт, пуруптфт кружокт, конат морсихть морхт и ис-

полняндакшихть разнай танент.

11-це № школась занимаданьдакшни тяфтажа идень туристский работат мархта. Учителхне цебарьста шарьхкодсазь, што туристский работат цебарьста ладымац—синь кровнай тевсна. Тянка школат видеаса организовадф музейнь уголок.

Тяниень пингть мольфтеви оцю работа коллекциянь, гербариянь кочкамаса. Тя работат вельде школьникне кизоти цебарь учебно-нагляднай пособият. Кочкаф материалхне путневихть музейнь уголокзост. Тяда башка, уголокса няфневихть Мордовият исторический материалонза.

Июньт 12-це шистонза юнай туристне историянь преподавательсонь руководства са якасть ниле шинь туристский походе Саранск—Рузаевский район маршрута.

Походса итне ульсь полной снаряженияса. Походть пингста школьникне тонадсть костерса

анокламс эстейст ярхчамбаль, строямс кош, мушведомс светонь странатнень полярнай звездаты коряс. Рузаевкаса итне якасть вокзалу, ванондозь 1905 кизоня Рузаевский железнодорожникинень стачкань вастсон, ульсь помещенияс, коса заседад стачечнай комитетсь, кулхондсть беседа, якасть школав, коза кяшендсь стачкань руководителсь Бойкузовсь парский полицият эзда.

Тяда башка итне ульсь МТС-са, коса кулхондсть беседат машинно тракторнай станциятнень историйсон колга. Йотасть Пайгармский монастырьт вакса.

Меки самста ульсь кочкаф лама геологический коллекцият, насекомасень коллекцият и гербарият.

Тяни итне аноклайхть кочкаф материалсон эса, конатнень кучсазь Москву ошса «Наша родина» выставкав.

Аф лама шида меле итне туйхть лия маршрутова походс.

Асеев.

АКТИВОНЬ КУРСНЕНЬ РАБОТАСНА

ВЛКСМ-нь Атюрьевский райкомть видеса комсомольский активонь курснень эса тонафни 23 ломань. Тяса комсомольский активсь касфнесы эсь идейно-политический содамашинц, знакомондакшни крхкаста комсомольский работат мархта.

Преподавательский составсь кочкаф политически грамотнай ломаньда. «ВКП(б)-нь историят краткай курсонц» коряс лекцият лувонды коммунистсь Морозов ялгась. Занятиянзонды цебарьста анокламати вельдсонь беседанза и лекциянза эрьсихть пяк интереснайкс, пользовандай нагляднай пособиясь.

Курснень эса слушательхне тонафнесазь военной тевть. Тя дисциплинайт коряс ётафткафта занятият.

Лама комсомольский активистт, лувомок курснень оцю значениясон политический образованинь касфтомаса, аккуратнайста ялайхть занятиятнеди, цебарьста аноклакшихть. Тяфтамкс лувондовихть Акимов, Степанов и лама лия комсомолецне, конат аф калдывста тонадозь ётаф материалть. Преподавательхнень киефксоннды максихть цебарь ответт.

Но пяк калдыв ся, што койкона комсомолецне занятиятнеди аф сашендыхть, аф аноклакшнесазь ётаф материалть.

Черакшев.

ГОСЭКЗАМЕТТНЕНЬ МОЛЕМАСНА

Июньт 2-це шистонза Мордовский учительский институтт литературнай факультетсонза ушедсть экзаметтне. Васение экзаментсь ётафтрussкий литературат коряс. Студенттнень ламосна пяк серьёзнайста анокласть и сатсь аф калдыв результатт тонафнемань тевса.

«Сатирические повести II-й половины 17 века», Островский «Гроза» драманц колга кизефксенди пяк цебарь ответт макссь Крашенинникова ялгась. Ответтнень эзда няеви, кодама глубокайста содасы программнай материалть. Тейнза путсть отличнай отметка. Пяк цебарьста отвечатьт тяфта жа Петкилев, Лопатова, Жилина, Юхматова ялгатне.

Русский литературада меле ульсь экзаметт марксизмань ленинизмнь основатнень коряс. Чепурнова студенткась «Национальный вопрос», «Об основах ленинизма» трутнень колга кизефксенди макссь отличнай ответт.

Черашов.

Садсь веши забота

Ламоксть путнесь колхознай правлениясь эсь заседаниясонза саттнень мельге заботендамать колга кизефкс, лихнесь решеният, но синь аф пашкотыкшневихть.

Тячимс садсь лядонды перьяфкстома, аш мельганза постояннай садовод. Марлюнатнень тапсесазь жувататне. Но тянь лангс равнодушнайста ва-ны комсомольский организаци-яс.

Пиксайкин.

Краснослободский р-н, Потякш Веле.

Павазонь вечер

Ученикне аделаьз тонафнемас-нон, получать средний образования. Синь седисот оцю паваз. И вон тафтама радостьса Атюрьевский средний школань 52 ученик пуромсть выпускной вечерозост. Вечерса ульсь тиф доклад, кодама сатфкс сатеть тонафнемань тевса 10-це классне. РОНО-ть представитель азондосе ученикнеди, кодама профессия эряви кочкамс. Особенна тя кизефкссь пяк интересовандасень ученикнеди. Синь синь кармасть келес арьсема сянь колга, кодама работаса максыхть сяда лама пользада минь панжезь-панжи родинань-конди.

Выпускниксь Башкирцев Павелсь корхтась, што сонь пяк оцю малец молеми тонафнема военной школав, арамс Якстерь Армиянь командиркс. Иневаткина, Неякина, Тишкина уче-

нипатне ёрайхть молеми тонафнема педагогический институту. Мьясна улемс народнай учителькс. Пивкин ялгась кельксы военной врачень специальность.

Вечерса корхтась Куйбышевский сельскохозяйственный институтонь студентсь, конац азондсь велень хозяйствань системаса специальносттень работаснон колга.

Тяда меле ушедсь аттестатонь максомась. «Аттестат», — кодама тя кайги валсь. Сон сатф кемонь кизонь тонафнемать пингста. Вон максеви аттестат похвальный грамота мархта комсомолецти Попов ялгати, кона аделаьз средний школать отличнай отметкаса, прдась лама содамашида, конатнень вешсыне эряфсь эрь од ломанть ширде.

К. Черакшев.

Пропагандистский работать колга

Эрь комсомолецти святой обязанностекс ащи большевистский партиять героический тюреманы кинь историянц тонафнемац.

Но тянь аф шарьхкотькшнесазь Ельниковский райононь лама комсомольский организация. Сят комсомолецнеди, конатнень аш сатомшка общеобразовательнай содамашина, пуроптфоль районца начальнай политграмотань 26 кружок, конатнень эса тонафнемс кочкафоль 276 ломань. И тяконь лангс ВЛКСМ-нь райкомть пропагандань и агитациян комиссиян успокоендась.

Виде, кружоконь башка руководителхне Кудрявцева и Галкин ялгатне тялонда ётафтеть 2—3 занятия, а тяни ёфси лоткасть работамда.

56 комсомолецсь фатяфт «ВЛКСМ(б)-нь историянц Краткай курсонц» тонафнемаса кружокс. Но ня кружокне работайхть аф удовлетворительнайста. Занятияннеди пяк лама комсомолец аф аноклакшни.

Потаф материалть пятай ёфси аф содасазь Первойкина, Сальников, Грачева ялгатне.

Тядонга калдяв нинге ся, што сонь руководящай комсомольский активсь нинге пяк лафчета работай революционной теориять тонафнеманц лангса. Райздравонь комсомольский организациять секретарь

рец Алышева ялгась «тонафни» аныцек колмоце главать эса.

Содаф, што тя комсомольский организацияса аф максеви кодамовок лезкс рядовой комсомолецнеди, аф вятеви контроль комсомолецнень тонафнемаснон мельге. Тянь сюнеда и тя организациянь комсомолецне тонафнихть васенце или омбоне главатнень эса. Смирнова, Денисова комсомолкатне лувозь аныцек васенце главать и тянь лангс лоткасть.

Аф сяда цебарьста ащи тевсь пропагандистский работать мархта райуполнаркомзагонь комсомольский организацияса. Комсомольский организациять секретарь Анисимов ялгась кишеньдсь эсь ёмла политический содамашина. Сидеста болтандай сянь колга, што сон тонафнесы колмоце главать. Но материалть ёфси аф содасы. А райфонь комсомольский организациять секретарь Замотевсь тонафнема нинге ашезь кярмоде.

Тя оцю аф сатыксенди эряви путомс пе. ВЛКСМ-нь райкомть секретарь Журавлев ялгась должен примамс сембемератнень, штоба ладяме комсомолецнень, а васендакиге сонцень комсомольский активть ёткса, пропагандистский работать.

ОД ВИЙСА

Минь школасонь кизонь каникулатнень пионерхне и школьникне ётафтсазь весяласта. Синь кармайхть эшлякшнema лийса, якама вириэкскурсияс, лувондыхть книгат, штоба сай тонафнема кизоти самс свежай вийса и сяда лац тонафнемс.

4-це классонь ученикне: Лобурев Алексейс, Медведев Владимирсь вирьса тонафнесазь растительнай и животнай мирть и кочксихть коллекция.

Г. Лобурев.

Од Выселка, З.-Полянский р-н.

ПОСЕЛКАТЬ ПИЖЕЛГОФТОМАЦ

«Красный луч» колхозса 65 колхозниксь озафтеть эсь кудснон вакс 3-нь келуня. Инициаторкс тя цебарь тевти ащи комсомольский организациясь. Лама лездеть ульцяненди шуфтонянь озафнема пионерхне. Разгильдяева учительницаць руководстванц ала школать перьф озафтеть 10 шуфтонят, конатнень синь перязь.

Мальшев.

Теньгушевский район.

Секретарсь аф работай

Комсомольский организациять секретарь Рудяевсь ламоксть корхнесь собранияса комсомолецнень ёткса воспитательнай работать ладяманц колга. Лама лихнефоль тянь колга решенияда, но синь ладондсть протоколхнень эса, а работа ашезь вятев.

Мекольдень пингть секретарсь комсомолецнень мархта ёфси лоткась работамда. Книдинге аф максим порученият, собраниянне эрийхть пяк шуроста, дисциплинась комсомолецнень ёткса лафча, членский взноснон аф паннесазь 3—4 нь ков.

Организовандаф Осовиахимский организация, но сонь аш руководителец, мезень сюнеда аф вятеви кодамовок работа.

Нинге март ковета кочкафоль М. Рудяевсь колхознай стенгазетати редакторкс, но сон ашезь нолда фявок номер и тячимс аф арьси стенгазетань нолдамать колга.

Ня причинатнень мархта азондови комсомольский организациять аф касомац. Аф союзнай од ломаттнень ёткса улихть стапт, конат колхознай производстваса няфнихть оцю показателхть и оцю мьясна улемс Ленинско-Сталинский комсомолть семьяса, но мархтост кивок аф занимадай.

Китов.

Ковылкинский район.

КУДОЦ САД ПОТМОСА

Велесонь тяде тунда лама колхозник озафнеть эсь кудснон перьф од шуфтонят. И. Я. Савкинсь кудонц перязе топольняса, келуняса, марлюняса. Ичкозде сонь кудонц няеви бта сад потмоса. Пара и культурна!

Но Краснай Знаменка поселкань аф сембе колхозникне тяфта тисть. Улихть стаптка, конат анок озафнеф шуфтоняснонга косьфтазь или керозь

Ник Учаев.

З.-Полянский район.

Макс Бебан

Тидязти

(Самед Вургунонь эзда*)

Корхтатъ, тидяй, мзярда срхксень кизон:
«Аф мрдат тон, аискязе, пизозт!»
Лама кизот ётась шада ведькс,
Сельме ванфсон вешихтень аф вестъ.
Кда азомс, мезе ётась, олай
Мянь чернилась кагод лангса, солазь.
Кода азомс? Мезьста ушедса?
Иомла—эряф книгаса печатсь.

Ошне прянек ашкордамазь монценъ,
Но мянь тячимс панчфокс панжихть ёнцен
Жольдердезня ласки шову лийсь,
Акшексонъ, сирененьга шиньфкясь!
Золот колазсь ёнцен сюконясь,
Панда бокса пухьки панжамкаясь,
Модать ланга уле тишесь каявсь,
Тяштне палыхть аф пяк валда толса,
Сембось ласьки ингольган монь топфса,
Сембось араль пади и судьбакс,
Но иля ки молеми теень максф.
Тага салсестъ сельмеванфть (мзярксть!)
Кельмотъ прамста югу ётни карктъ.


Родной кудонь качам панда ала,
Толонь кецерьф (кода сембе мала,
Кода содаф!); кудть сувазе летксь,
Беднай эряфсь инжицель аф вестъ.
Пилесон струнанза кайгихть сазать
Сединь токазь. Сельминголен саза
Сяда кизонь сетьмоли судьбасъ,
Тидянь коняс сурмокс кона прась...
Мон тя эряфть кадонь фталу кисон
И иля судьбань кис тяшткес лисень.

Корхтатъ, тидяй, мзярда срхксень кизон:
«Аф мрдат тон, аискязе, пизозт!»
Лама, лама кизот эстоньберя,
Тидяй, валхне, мяштьсон палозь эрийхть.
Тонь трватнень лангста кайгихть теень,
Тонь трватнень—авардсть синь и пеедсть,
Тонь трватнень—олафт синь и психть—
Виденяста седизон мусть кить,
Бодрайгофнихть вийнень, мортъ и эряфть
Эрь тунданать и эрь тялотъ эрязь.

Аф прокс кельмосъ тидянь котмордамась,
Ашезь мада седисон мрдамась.
Морнень гайфокс стамка, изь юма:
Тидязе синьдеест вайме максесь.
Буря, шири! Тямак фатне, тямак.
Тидяй, маряк, кода лятфтан лама,
Кода шобдать, сярядьфть, ризфценъ пачк
Таколдонь тонь седиценди фкакс.
Кис тон гармонькс лий теть сюкпязе, *)
Комай пильгозт, тидяй, сюконязне.
Монь сюкпязе шуди валда ветъ
Ковонь цильфнень ланга аныцек теть.
Монь сюкпязе лий теть, кинь кельган,
Монь сюкпязе шинек-венек мельгат.
Монь сюкпязе лий качам пачк,
Монь сюкпязе мархтон вийхцек шачсь.
Монь сюкпязе валфтома теть содаф.
Мархтот теень эряфсь валда кода!
Таколдан мон павазнеконь инкс.
Пятнат ашезь када лангозт пингсь,—
Валда пинкти лий монь сюкпязе,
Тя эряфти комай сюконязне.
Тон жа, кие эряй паваз шит,
Шятнек лацкас вийхцек мархтон кить.
Тяйк пирьфкяньконь, куднеконь тияксонц.
Пилькифтома эряфка аф яксань.
Кайгихть следне. Васечнема сан;
Кода тонцень, велеть аф юкстан.
Катк сусеттне ортаньконди ласькихть,
Катк сусеттне, паронь арьсезь, васьфнихть
Монь и корхтайхть виде валса теть.
Тидянь шамаликсонза поэтсь!
Теень тон—искусстват и природат.
Тонфтемот ба седись шамоль кода!..
Лофценъ эзда эрягя эзон сась,
Лофце мороке ичкози пркштаць!
Теень максотъ тяшка паваз—эряф,
Ваймоняй, шумбраняста сяс эряк,
Тидянязе, озак серце—кельф
Топаз шуфта алу. Пряньконь велькс
Ся родной шуфть кадык арай вельхсокс,
Минь родной странаньконь шуфтонц келкяссь,
Батк ся топазь, пиже лопавть ала
Од шись, сиреть лангса рахсезь, палы;
Кадык гайфти морокс валда ширть,
Валдоптанза кода валдопть мирть.
Штоба стиль дуяда вяри ликце
И псинц мархта штоба сяськоль шитьке.

*) Самед Вургун—сталинский лауреат, кафксть орденоносец, азербайджанский поэт.

* приэзт



Всесоюзной сельскохозяйственной выставкась.

СНИМКАСА: «Охота и звероводство» павильонцъ.

Фотось Г. Широковъ (ТАСС).

ВАЗНЯТЬ ЛАНГСА ШЕФСТВАСЬ

Цебярэста мольфтысць шеф-ский работаснон Шокшин велень средний школань ученикне. Силь сидеста якыхть колхознай пирьфи, штоба аннеме и симнеме, чистендакшнемс вазнятнень. Шефствада инголе ученикне лувондсть лама литература сянь колга, кода сяда цебярэста ладямс колхозть молодняконц мельге якамать.

Тяда башка силь знакомна-дакшнесазь МТФ-нь работникне вжувататнень мельге якамать правилатнень мархта.

Пионерхнень шефствань результатна пях-цебярэ. Репотьксонди ащи «Борька» вазнясь, конань лангса вятсь шефства пионерхнень эзда фкясь. «Борька» вазнясь тьяни ащи цебярэ упитанностьса.

Семенов.

Теньгушевский район.

ОД КОНЮХ

Невкин Д. Ф. комсомолец работай «Сире большевик» колхозса конюхокс. Алашатнень мельге сон ладясь цебярэ уход. Эсь пингстонза симневихть и анневихть алашатне. Веть нолневихть луга ланге. Алашатнень упитанностьсна тьяни цебярэ.

Лама работай Невкин ялгась сбруян петемаса. Колхознай пирьфнень эса тиф чистота. Фкья валса азоме—алашатнень мельге якамась ладяф образцовайста.

И. Невкин.

Сире-Синдровский район.

ШКОЛЬНИКОНЬ ПРАЗДНИК

Июнь 29-це шистонза 11 частота шить Саранск ошень А. С. Пушкинт лемса культурань и ваймамань паркса ётафтови школьниконь праздник, кона лемтьф тонафнема кизоть аделаманцты.

Праздниксь ули интереснай и веселай.

Кда мяленте, школьник ялгат, ванода кинофильмат. Кинотеатратнень эса кармайт няфневома цебярэ киноартинат. Ваномась бесплатнай.

Школьникнеди ули максф кизонь театрсь, коса кармайт выступандама ошень школатнень эзда самостоятельностьн инь цебярэ кружонне, муздравучилищань тонафнихне и драмань Мордовский театрань артистне.

Физкультурнай площаднаса улихть ётаффт разнообразнай играт, аттракционт, а тирса кармайт улема лямемас коре соревнованият.

Кодан аныцен панжеви праздниксь кайгозеве музынась.

Эрь школьниксь тя интереснай и весела праздникти может получамс билет эсь школсонза.

Школьникт, учтама эсонт праздник!

ЭРЬ КУДТИ ГАЗЕТА И ЖУРНАЛ

Аккуратнайста каннесыне сёрматнень Ивановка велеса Терешкинсь. Сон тя тевса работай ни 3 кизот. Аш стама ломань велеса, штоба кивок сялдохце сонь работанц. Вятмокс велерийхнень ёткаса агитмассовой работа, сон цебярэста мольфтысь газетань и журналонь сёрматфтомать. Тя-

ни пятай эрь колхозниксь получай фкья или кафта экземпляр газета и журнал.

Терешкин Петясь сявсь обязательства, штоба маластонь пингть велерийхнень ёткаса сатоме 100 процент газетань сёрматфтомать.

К. Терешкин.

Темниковский район.

АСТАШКИНЦЬ МЕЗЕВОК АФ ТИЕНДИ

— Тон коста?
— Изба-читальняста.
— Кивок тоса ули?
— Кие моли. Кафта шабат тоса и сонць Асташкинц.
— А мезевок кармай улема?
— А мезе?
— Ну, постановка или доклад...

— Лама докладта тиендсь Асташкинц, аныцен кулхонт; аделазь корхтамаснон кафта

ялгатне.

Тяфта корхнихть Мокшень Ювня велерийхне изба-читальня работанц колга, коса ащи заведующайкс Асташкинц. Ня сембе корхнематне видет, сяс мес избачсь велерийхнень ёткаса аф вяти кодамовок работа. Изба-читальнясь сидеста эрий сёлкфста.

Сергеев.

Торбеевский район.

КОЛХОЗТЬ СТЕНГАЗЕТАЦ

Оцю роль колхозть эрь шинь эрьфонза занци стенгазетась. Сонь велденза няфневихть колхозть сатфксонза и сяка пингть аф сатыксонза. Правильнайста ладяф стенгазетась колхозти арси воспитателькс и организаторкс.

Тяфтама роль пяхкотыкшни «Путь к социализму» колхозть «Велень эряф» стенгазетац. Сон лисенди регулярна, цебярэ оформленияс. Стенгазетась оцю лезке максеи трудовой дисциплина кемокамаса. Тундань видеа кампаниянь пингста сон няфнезень ударникнень опытнон и критиковандакшнесыне аф сатыксенень.

А. Икомасов.

Ельниковский район.

ИЗБА-ЧИТАЛЬНЯТНЕНЬ КОЛГА

Оцю обороннай работа ётафни Сире Кулязонь изба-читальнясь. Сонь видесонза пуропфт ПВХО-нь и ГСО-нь значокс норматнень максомаса кружокт, конатнень эса слушателда лувондови 30 ломань. Ламотне силь эздот максозь ни обороннай значокс норматнень.

Ф. Юдин.

Краснолободский район.

Но аф тяфта ащи тевсь Адаж велень изба-читальнясь (заведующайкс Кузнецовсь). Изба-читальнясь рлаз, аш кодамовок чистота. Илтенге изба-читальнясь посетительхне таргайт, кодамовок работа сонь эсонза пятай аф вятени. Изба-читальнясь улихть шашкат, шахмат, радио, но силь аф использовандакшневихть колхозникнень культурнайста ваймамаснон ётафтомс. Аф эрийхть свежай газетат, журналхт и стак тов.

Зобнин.

Инсарский район.



Мосфильмань киностудияса аделакшнесазь снимандама од художественной «Машенька» фильмат СНИМКАСА: Фильмат кад-рась. Кержи ширде видити—артисткась В. И. Караваева Машенька рольса и артисткась Д. Я. Панкратова Клавать рольса. Фотось М. Руновть [ТАСС].

ОЦЮ ТЕВ

«Комсомолонь вайгяль» газетать редакциясонза сашенды юнкорхнень ширде лама сёрма пожарнай дружинатнень работаснон колга. Рыбинский районца Сире Маманя велеста Волковсь сёрмады, што силь велесост пожарнай дружинат начальникоц Кульков ялгась работанц ладизе пях цебярэста: эрь шиня проверкшневихть трубатне, ульцятне чистайхть, кажнайть кудонц ваксса ведь парь.

Тяфтама сёрма кучсь редакцияв Кадошкинский районца, Паева велеста Виктор Лобанов.

Но аф сембе велетнень эзга тяфта ладяф тя работась. Синдровань районца Сире Ряба велеста Клоков ялгась сёрмады, што силь велесост пожарнай охранась работай калдыавста, аф проверкшневихть трубатнень, аф сембе куттнень ваксса ведь мархта стойканят.

Ковылкинаста Од Ишенъ велеста пожарнай дружинат калдыав работанц колга сёрмады Кучин Николайсь.

Европаса, Африкаса и Азияса войнась

(19-це июньта военнай действитнень дневниксна)

Германский командованиять сводкасонза корхтави, што германский бомбардировщикне тисть налет Грейт-Ярмутть портовой сооружениязон ланге, а стане жа юго-восточнай Англиять аэродромонзон ланге. Англиять побереж्यान видеса ваяфтф кафта английский торговай парохотт.

19-це июнень карша веть, эзондсы Рейтер агентствась, английский бомбардировщикне тисть налетт Северо-Западнай Германияса порттнень и военноморской базатнень ланге. Бомбардировандавсь стане жа французский портсь Брестсь, коса нинге стаки кяшендихть колма германский военнай корабльхть. «Таймс» английский газетась сёрмады, што Севернай Франциять объектозон ланге налеттне, конат тифт 17-це июньта шить, ульсть сембода оцюфне английский авиациять шинь налетонзон эзда войнат ушedomста сявомок. Силь эсост участвовдасть

военно-воздушный флотть пях оцю виинза.

Севернай Африкаса, Соллунть секторса, стаки молихть активнай военнай действит. Английский командованиять сводкасонза азондови, што английский частьне, операциянень тиенда меле, аф эрыскодозь потасть эсь передовой позициязост. Итальянский командованиять сведениязон коряс, германо-итальянский авиациясь бомбардировандасыне потай английский войскактнень.

Восточнай Африкаса, Абиссинияса, положенияс ащи стаянк.

Сирияса французский войскактнень кватрнаступлениясна фронтть централнай и южнай участканзон эса стаки молихть,

Гавас—ОФИ агентствать военнай обозреватель корхтай, што Ливанть побережьяса, Сайда и Джеззин ошнень ёткаса районть эса, французский войскактне пях вию бойда мелелоткафтозь английский частьтнень инголи моламаснон.

Дамаскть районца де Голль генеральт частенза, конат мольфтихть наступления юг ширеста, маладсть ошти. Кода азондсы Рейтер агентствать корреспондентоц, англичаттнень войскасна ушедсть Сириять столицанц атаковандама.

Восточнай Сирияса, Юнай-тед Пресс агентствать сообщениязон коряс, английский колоннась, кона мольфти наступления Евфрат лийть долинанц квалмос запад шири, пачкодсь пункты, кона ащи 70 километра ваетса Алеппот эзда.

(ТАСС).

ГЕРМАНСКИЙ ПРАВИТЕЛЬСТВАСЬ МЯРЬГСЬ США-ТИ ЭСЬ КОНСУЛЬСТАНЗОН СЯВОМДА

Германский информационнай бюрось азондсы, што германский правительствась вешсь США-ть правительстванц эзда сявомс Германияста и германский войскактнень ширде оккупировандаф сембе странатнень эзда американский консулстватнень сембе чиновникснон и служащайснон. (ТАСС).

Общинань палатать закрытай заседаниянц тердеманц колга

Кода азондсы Рейтер агентствась, английский премьер-министрь Черчилль, общинань палатать заседаниясонза корхтамстонза азозе, што маластонь пингть ули тердьф палатать закрытай заседаниянц, конань эса кармайт обсуждандавома английский торговай судоходствать положениязон колга кизефкссь. Черчилль мярьгсь, што «тя кизефксть публичнайста обсуждандамац арал ба серьезнай опасностек государственный интересенди». (ТАСС).

Австралийский военный министрть заявленияц

Кода азондсы Рейтер агентствась, австралийский военнай министрсь Спендер азозе, што 9 тейятть австралийский, английский, новозеландский солдат ащихть Грецияса военнопленнайкс. Грецияста и Крит островта изь мрда 5.951 австралийский солдат. Кафцьке кампаниятнень эса участвовдасть 17.236 австралийский офицер и солдат. Тя лувкеть эзда 11.285 ломань мрдасть Египету и Палестинав. Кода арвсехть, австралийский армиясь Грецияса юмафтьс 2.275 и Крит островса 3.676 ломань.

Кипр островса продовольственной положениянь колга

Кода азондсы информациянь английский министерствась, колониянь министерствать парламенский секретарец обществань палатаса азозе, што Кипр островса продовольственной положенияс ащи аф калдыавста. (ТАСС).

Ответ. редакторсь
И. ЧУДАЙКИН.